

**“O‘ZBEKINVEST” EKSPORT IMPORT SUG‘URTA KOMPANIYASI”
AKSIYADORLIK JAMIYATI**

**“O‘ZBEKINVEST EISK” AJ FAOLIYATIDA KORRUPSIYAVIY XAVF-XATARLARNI
ANIQLASH VA BAHOLASH
USLUBIYOTI**

2024 y. 28 may

Kod: RD-GK 40-02

 UZBEKINVEST GK 40	“O‘ZBEKINVEST EISK” AJ faoliyatida korruptsiyaviy xavf-xatarlarni aniqlash va baholash USLUBIYOTI	RD-GK 40-02 3 varaq 12 dan 24.05.2024y.
---	--	---

TASDIQLAYMAN
“O‘zbekinvest EISK”
Aksiyadorlik Jamiyati

R. Azimov
2024 y. 24 may

“O‘ZBEKINVEST EISK” AJ faoliyatida korruptsiyaviy xavf-xatarlarni aniqlash va baholash USLUBIYOTI

Mazkur Uslubiyot “O‘zbekinvest EISK” AJ faoliyatida korruptsiyaviy xavf-xatarlarni aniqlash va baholash tartibini belgilaydi.

1-Bo‘lim. Umumiy qoidalar

“O‘zbekinvest EISK” AJning (Keyingi o‘rinlarda - Jamiyat) faoliyatidagi korruptsiyaviy xavf-xatarlarni aniqlash va baholashning maqsadlari quyidagilardan iborat:

Jamiyatning korruptsiyaviy xavf-xatarga eng ko‘p duch keladigan vazifa va funksiyalarini aniqlash hamda korruptsiyaviy xavf-xatar yuqori bo‘lgan lavozimlar ro‘yxatini shakllantirish; korruptsiyaviy xavf-xatarlarni bartaraf etish bo‘yicha chora-tadbirlarni ishlab chiqish. Korruptsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

- korruptsiyaviy xavf-xatarlar xaritasi;
- korruptsiyaga qarshi kurashish bo‘yicha dastur;
- korruptsiyaviy xavf-xatar yuqori bo‘lgan lavozimlar ro‘yxati;
- korruptsiyaga moyil bo‘lgan munosabatlar elektron reyestri.

2-Bo‘lim. Qo‘llash doirasi

Jamiyatning barcha tarkibiy bo‘linmalari, hududiy filiallari va ixtisoslashtirilgan sho‘ba korxonalari tomonidan barcha turdagi xo‘jalik shartnomalarini tuzishda ushbu Tartib talablari qo‘llaniladi, qo‘llanilishi va ularga rioya etilishi shart.

3-Bo‘lim. Asosiy tushunchalar:

korruptsiyaviy xavf-xatar — shaxsning o‘z mansab yoki xizmat mavqeyidan shaxsiy manfaatlarini yoxud o‘zga shaxslarning manfaatlarini ko‘zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korruptsiyaviy xatti-harakatlarni sodir etish ehtimoli;

korruptsiyaviy xavf-xatarlar xaritasi — Jamiyat faoliyatida amalga oshiriladigan vazifa va funksiyalar (jarayonlar) bilan bog‘liq yuzaga kelishi mumkin bo‘lgan korruptsiyaviy xavf-xatarlarning tavsifi va darajasi, funksiyalarni (jarayonlarni) tartibga soluvchi mexanizmlar, funksiyalarni (jarayonlarni) amalga oshirishga mas‘ul bo‘lgan lavozim, korruptsiyaviy xavf-xatarlarni bartaraf etish choralari, qoldiq korruptsiyaviy xavf-xatar darajasi, korruptsiyaviy xavf-xatarlarni bartaraf etish choralari amalga oshirishga mas‘ul ijrochilarni o‘z ichiga olgan hujjat;

korruptsiyaga oid huquqbuzarlik — korruptsiya alomatlariga ega bo‘lgan, sodir etilganligi uchun qonunchilikda javobgarlik nazarda tutilgan qilmish;

 UZBEKINVEST GK 40	“O‘ZBEKINVEST EISK” AJ faoliyatida korruptsiyaviy xavf-xatarlarni aniqlash va baholash USLUBIYOTI	RD-GK 40-02
		4 varaq 12 dan 24.05.2024y.

korruptsiyaviy xavf-xatarlarni baholash — Jamiyatning faoliyatini (vazifa va funksiyalarini) tahlil qilish, mavjud korruptsiyaviy xavf-xatarlarni aniqlash va ushbu xavf-xatarlar darajasini baholash bo'yicha faoliyat;

qoldiq xavf-xatar — aniqlangan korruptsiyaviy xavf-xatarni bartaraf etish yuzasidan belgilangan choradan keyin saqlanib qoladigan xavf-xatar;

maxsus bo'linma — Jamiyatdagi korruptsiyaga qarshi ichki nazorat tuzilma;

ishchi guruh — korruptsiyaga qarshi ichki nazorat tuzilmalari mavjud bo'lmagan davlat tashkilotlarida korruptsiyaviy xavf-xatarlarni baholash uchun tuziladigan xodimlar tarkibi.

3.1. Jamiyat tomonidan korruptsiyaviy xavf-xatarlarni baholash har yili 1-martga qadar amalga oshiriladi.

3.2. O'zbekiston Respublikasi Korruptsiyaga qarshi kurashish agentligi tomonidan (bundan buyon matnda Agentlik deb yuritiladi) davlat tashkilotlarining korruptsiyaviy xavf-xatarlarni baholash va bartaraf etish borasidagi faoliyatini takomillashtirish, ushbu yo'nalishda kamchiliklarning oldini olish bo'yicha ko'rsatmalar berilishi mumkin.

4-Bo'lim. Normativ havolalar

4.1. O'zbekiston Respublikasi Korruptsiyaga qarshi kurashish agentligi, O'zbekiston Respublikasi Adliya vazirligining 31.08.2022-yilda 3383-son bilan ro'yxatdan o'tgan “Davlat hokimiyati va boshqaruvi organlari, shu jumladan ularning hududiy bo'linmalari, davlat unitar korxonalari va muassasalari, davlat ulushi 50 foizdan yuqori tashkilotlar faoliyatida korruptsiyaviy xavf-xatarlarni aniqlash va baholash uslubiyotini tasdiqlash to'g'risida”gi qarori;

4.2. “O'zbekinvest EISK” AJ Ustavi;

4.3. Ish yuritish bo'yicha Yo'riqnoma – RD-05;

4.4. “O'zbekinvest EISK” AJ Korruptsiyaga qarshi ichki nazorat va xavfsizlikni ta'minlash departamenti Nizomi – RD-GK-40-01.

5-Bo'lim. Mas'uliyat.

Ushbu Uslubiyot talablarini bajarish uchun kompaniyaning tarkibiy bo'linmalari, hududiy filiallari va ixtisoslashtirilgan sho'ba korxonalari rahbarlari javobgar bo'ladi.

Ushbu Uslubiyotni aktallashtirish uchun Korruptsiyaga qarshi ichki nazorat va xavfsizlikni ta'minlash departamenti Bosh menejeri javobgardir

6-Bo'lim. Korruptsiyaviy xavf-xatarlarni aniqlash va baholashni tashkil etish

Korruptsiyaviy xavf-xatarlarni aniqlash va baholash Jamiyat tizimiga kiruvchi barcha tarkibiy va hududiy bo'linmalarni qamrab olishi lozim.

Bunda, korruptsiyaviy xavf-xatarlarni aniqlash va baholash maxsus bo'linma yoki ishchi guruh tomonidan amalga oshiriladi.

Ishchi guruh a'zolari Jamiyatning tarkibiy bo'linmalari rahbarlaridan iborat tarkibda tashkil etiladi.

Jamiyatning birinchi rahbari tomonidan ishchi guruh tarkibi tasdiqlanadi hamda uning faoliyati muvofiqlashtiriladi.

Korruptsiyaviy xavf-xatarlarni aniqlash va baholashda Jamiyat markaziy apparatining maxsus bo'linmasi (ishchi guruh) tomonidan quyidagi vazifalar amalga oshiriladi:

korruptsiyaviy xavf-xatarlarni aniqlash va baholash bo'yicha ishlarni tashkil etish va muvofiqlashtirish;

Jamiyatning korruptsiyaviy xavf-xatarlar xaritasini ishlab chiqish;

Jamiyatning korruptsiyaga qarshi kurashish bo'yicha dastur loyihasini ishlab chiqish;

Jamiyatning tuzilmasiga kiruvchi tashkilotlar va uning hududiy bo'linmalari tomonidan ishlab chiqilgan korruptsiyaviy xavf-xatarlar xaritasi va korruptsiyaga qarshi kurashish bo'yicha dastur loyihalarini ko'rib chiqish va ularni takomillashtirish yuzasidan takliflar berish;

 UZBEKINVEST GK 40	“O‘ZBEKINVEST EISK” AJ faoliyatida korrupsiyaviy xavf-xatarlarni aniqlash va baholash USLUBIYOTI	RD-GK 40-02
		5 varaq 12 dan 24.05.2024y.

Agentlik va jamoatchilik tomonidan berilgan takliflar asosida Jamiyatning korrupsiyaviy xavf-xatarlar xaritasini va korrupsiyaga qarshi kurashish bo'yicha dastur loyihagini takomillashtirish.

Jamiyatning tuzilmasiga kiruvchi tashkilotlar va uning hududiy bo'linmalaridagi maxsus bo'linma (ishchi guruh) quyidagi vazifalarni amalga oshiradi:

korrupsiyaviy xavf-xatarlarni aniqlash va baholash ishlarini tashkil etish;

korrupsiyaviy xavf-xatarlar xaritasini va korrupsiyaga qarshi kurashish bo'yicha dastur loyihalarini ishlab chiqish.

7-Bo'lim. Korrupsiyaviy xavf-xatarlarni aniqlash va baholash tartibi

Maxsus bo'linma (ishchi guruh) tomonidan Jamiyat faoliyatining (vazifa va funksiyalarining) tavsifi ushbu Uslubiyotning 1-ilovasiga muvofiq shaklda tuziladi.

Jamiyat faoliyatidagi (vazifa va funksiyalardagi) korrupsiyaviy xavf-xatarlar ichki va tashqi axborot manbalari asosida aniqlanadi.

Ichki axborot manbalari quyidagilardan iborat:

Jamiyat faoliyatining (vazifa va funksiyalarining) huquqiy asosi;

ichki tekshiruv materiallari, shu jumladan xizmat tekshiruv materiallari;

odob-axloq komissiyasi majlislarining yig'ilish bayonnomalari;

korrupsiyaga qarshi kurashish ishlarining monitoring natijalari;

maxsus bo'linma (ishchi guruh) tomonidan Jamiyat faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari va boshqalar.

Tashqi axborot manbalari quyidagilardan iborat:

Jamiyat faoliyati to'g'risidagi huquqbuzarliklar to'g'risidagi murojaatlar (xabarlar) va statistik ma'lumotlar;

Agentlik yoki boshqa davlat tashkilotlari tomonidan Jamiyat faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari; huquqni muhofaza qiluvchi organlar tomonidan taqdim etilgan materiallar va boshqalar.

Maxsus bo'linma (ishchi guruh) Jamiyatning faoliyatidagi (vazifa va funksiyalaridagi) korrupsiyaviy xavf-xatarlarni aniqlashda quyidagi holatlar tahlil qilinishi lozim:

Jamiyatning xodimi tomonidan sodir etilgan korrupsiyaga oid huquqbuzarlik;

Jamiyat tomonidan faoliyatini (vazifa va funksiyalarini) amalga oshirishda jismoniy va yuridik shaxslar uchun sun'iy to'siqlarning mavjudligi;

o'z vaqtida qaror qabul qilmaslik, asossiz tezkor tartibda qaror qabul qilish;

hujjatlar, elektron ma'lumotlar bazalariga bila turib yolg'on ma'lumotlarning kiritilishi;

xizmat vakolatlarini amalga oshirishda manfaatlar to'qnashuvi;

vakolatlarni amalga oshirishda mahalliychilik, homiylik, urug'-aymoqchilik kabi holatlarning mavjudligi.

Jamiyat faoliyatidagi (vazifa va funksiyalaridagi) korrupsiyaviy xavf-xatarlarning darajasi quyidagi o'lchovlarda baholanadi:

past

o'rta;

yuqori.

Maxsus bo'linma (ishchi guruh) tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshiriladi.

8-Bo'lim. Korrupsiyaviy xavf-xatarlarning darajasini bartaraf etish choralari

Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

normativ-huquqiy hujjatlar hamda ichki idoraviy hujjatlar loyihalarini ishlab chiqish;

 UZBEKINVEST GK 40	“O‘ZBEKINVEST EISK” AJ faoliyatida korrupsiyaviy xavf-xatarlarni aniqlash va baholash USLUBIYOTI	RD-GK 40-02 6 varaq 12 dan 24.05.2024y.

inson omilini qisqartirish va Jamiyat faoliyatini (vazifa va funksiyalarini) raqamlashtirish, shaffoflikni ta'minlash, jamoatchilik nazoratini yo'lga qo'yish;

Jamiyat faoliyatini (vazifa va funksiyalarini) tartibga solish choralari ko'rish;

Jamiyat xodimlari va jismoniy shaxslar o'rtasida to'g'ridan to'g'ri aloqani maksimal darajada cheklash;

rasmiy veb-sayt va boshqa ommaviy axborot vositalarida Jamiyat tomonidan amalga oshirilayotgan davlat xaridlari to'g'risidagi ma'lumotlarni joylashtirish va tarqatish;

davlat xizmatlarini ko'rsatish jarayonini soddalashtirish, asossiz cheklovlarni, ortiqcha ma'muriy tartib-taomillarni bekor qilish, byurokratik tartibga solish mexanizmlarini yo'q qilish, taqdim etilgan hujjatlar soni va qaror qabul qilish muddatlarini qisqartirish;

Jamiyat tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o'tkazish, ishonch telefonlari va aloqa kanallarida targ'ibot ishlarini amalga oshirish;

xodimlarning korrupsiyaga qarshi kurashish va manfaatlar to'qnashuvini boshqarish bo'yicha ichki hujjatlarga har kuni, o'zaro va to'liq rioya qilishlarini nazorat qilish.

Jamiyat korrupsiyaviy xavf-xatarlarni bartaraf etish bo'yicha qonunchilik hujjatlariga zid bo'lmagan boshqa chora-tadbirlarni ham amalga oshirishi mumkin.

Korrupsiyaviy xavf-xatarlarni bartaraf etish bo'yicha mazkur Uslubiyotning 16-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2-ilovasidagi mezonlar asosida amalga oshiriladi.

Jamiyat markaziy apparatining maxsus bo'linmasi (ishchi guruhi) tomonidan mazkur Uslubiyotning 3-ilovasiga muvofiq shaklda markaziy apparatning korrupsiyaviy xavf-xatarlar xaritasi loyihasi ishlab chiqiladi.

Jamiyatning tuzilmasiga kiruvchi tashkilotlar va uning hududiy bo'linmalari tomonidan ushbu Uslubiyotning 3-ilovasiga muvofiq shaklda korrupsiyaviy xavf-xatarlar xarita loyihalari va mazkur Uslubiyotning 4-ilovasiga muvofiq shaklda korrupsiyaga qarshi kurashish bo'yicha dastur loyihalari ishlab chiqiladi.

Bunda, mazkur loyihalar Jamiyat markaziy apparatining maxsus bo'linmasiga (ishchi guruhiga) umumlashtirish uchun taqdim qilinadi.

Jamiyat markaziy apparatining maxsus bo'linmasi (ishchi guruhi) tomonidan Jamiyat faoliyatidagi (vazifa va funksiyalaridagi) korrupsiyaviy xavf-xatarlarni aniqlash va baholash natijalari asosida Jamiyatning umumlashtirilgan korrupsiyaviy xavf-xatarlar xaritasi ishlab chiqiladi va "E-anticor.uz" elektron platformasiga har yili 1-fevralga qadar kiritiladi.

Jamiyat markaziy apparatining maxsus bo'linmasi (ishchi guruhi) tomonidan "E-anticor.uz" elektron platformasida joylashtirilgan korrupsiyaviy xavf-xatarlar xaritasiga asosan avtomatik ravishda quyidagi hujjatlar shakllantiriladi:

Jamiyatning korrupsiyaga qarshi kurashish bo'yicha dasturi;

Jamiyatning korrupsiyaviy xavf-xatari yuqori bo'lgan lavozimlari ro'yxati.

9-Bo'lim. Korrupsiyaga moyil bo'lgan munosabatlar elektron reyestrini shakllantirish va yuritish tartibi

Agentlik tomonidan "E-anticor.uz" elektron platformasida joylashtirilgan davlat tashkilotlarining korrupsiyaviy xavf-xatarlar xarita loyihalari asosida avtomatik ravishda korrupsiyaga moyil bo'lgan munosabatlar elektron reyestri shakllantiriladi.

Korrupsiyaga moyil bo'lgan munosabatlar elektron reyestri loyihasi Agentlik tomonidan jamoatchilik muhokamasidan o'tkazish uchun o'n besh kundan kam bo'lmagan muddatga "Eanticor.uz" veb-saytiga joylashtiriladi.

Agentlik jamoatchilik muhokamasi natijalari bo'yicha umumlashtirilgan takliflarni muhokama yakunlangan kundan boshlab o'n kun ichida "E-anticor.uz" elektron platformasi orqali Jamiyatga yuboradi.

 UZBEKINVEST JSC	“O‘ZBEKINVEST EISK” AJ faoliyatida korrupsiyaviy xavf-xatarlarni aniqlash va baholash USLUBIYOTI	RD-GK 40-02
GK 40		7 varaq 12 dan 24.05.2024y.

Jamiyat markaziy apparatining maxsus bo‘linmasi (ishchi guruhi) Agentlik va jamoatchilik tomonidan berilgan takliflar asosida Jamiyatning korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturi loyihalarini takomillashtiradi.

Jamiyatning birinchi rahbari har yili 1-martga qadar korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturini “E-anticor.uz” elektron platformasi orqali tasdiqlaydi.

10-Bo‘lim. Yakuniy qoidalar

Mazkur Uslubiyot talablari buzilishida aybdor bo‘lgan shaxslar qonunchilik hujjatlarida belgilangan tartibda javobgar bo‘ladi.

 UZBEKINVEST GK 40	“O‘ZBEKINVEST EISK” AJ faoliyatida korrupsiyaviy xavf-xatarlarni aniqlash va baholash USLUBIYOTI	RD-GK 40-02
		9 varaq 12 dan 24.05.2024y.

“O‘ZBEKINVEST EISK” AJ
faoliyatida korrupsiyaviy
xavf-xatarlarni aniqlash va
baholash
USLUBIYOTIga 2-ILOVA

Korrupsiyaviy xavf-xatar darajasiga baho berish bo'yicha
MEZONLAR

Korrupsiyaviy xavf-xatar darajasi	Mezonlar
Yuqori*	Jamiyatning faoliyati (vazifa va funksiyasi) avtomatlashtirilmagan
	Jamiyatning faoliyati (vazifa va funksiyasi) tartibga solinmagan
	nazoratsiz tartibda ish joyida jismoniy yoki yuridik shaxslar bilan to'g'ridan to'g'ri aloqa qilish imkoniyati mavjud
	Jamiyatning faoliyati (vazifa va funksiya) doirasida qarorni loyihasini tayyorlashda, ko'rib chiqishda va qabul qilishda bir shaxs ishtirok etishi
	Jamiyatning faoliyatini (vazifa va funksiyani) bajarishda korrupsiyaviy xatti-harakat sodir etilgan (jinoyat sodir etilganligi sud tomonidan tasdiqlangan)
O'rta*	Jamiyatning faoliyati (vazifa va funksiyasi) qisman avtomatlashtirilgan
	Jamiyatning faoliyati (vazifa va funksiyasi) qisman tartibga solingan
	nazorat tartibida ish joyida jismoniy yoki yuridik shaxslar bilan to'g'ridan to'g'ri aloqa qilish imkoniyati mavjud
	Jamiyatning faoliyatini (vazifa va funksiyani) doirasida qarorni loyihasini tayyorlashda, ko'rib chiqishda va qabul qilishda ikkita shaxs ishtirok etishi
	Jamiyatning faoliyati (vazifa va funksiyasi) bajarishda korrupsiyaviy xatti-harakat sodir etilganligi to'g'risidagi ma'lumot mavjud (jinoyat sodir etilganligi sud tomonidan tasdiqlanmagan)
Past**	Jamiyatning faoliyati (vazifa va funksiyasi) to'liq avtomatlashtirilgan
	Jamiyatning faoliyati (vazifa va funksiyasi) to'liq tartibga solingan
	jismoniy yoki yuridik shaxslar bilan to'g'ridan to'g'ri aloqa qilish imkoniyati mavjud emas
	Jamiyatning faoliyati (vazifa va funksiyasi) doirasida qarorni loyihasini tayyorlashda, ko'rib chiqishda va qabul qilishda uch va undan ortiq shaxs ishtirok etishi
	korrupsiyaviy xatti-harakat va korrupsiyaviy xatti-harakat sodir etilganligi to'g'risidagi ma'lumot mavjud emas

*Maxsus bo'linma (ishchi guruh) tomonidan Jamiyatning faoliyatida (vazifa va funksiyasida) aniqlangan xavf-xatarlarning yuqori yoki o'rta darajada deb baholash Jamiyat rahbari bilan kelishgan holda amalga oshiriladi.

**Jamiyatning faoliyatida (vazifa va funksiyasida) aniqlangan korrupsiyaviy xavf-xatar darajasini baholashda, agarda past darajadagi mezonlarning biri mavjud bo'lsa, o'sha korrupsiyaviy xavf-xatar darajasi past darajada deb baholanadi.

 UZBEKINVEST O'zbekiston Respublikasi Tashqi Savdo Agentligi	“O‘ZBEKINVEST EISK” AJ faoliyatida korrupsiyaviy xavf-xatarlarni aniqlash va baholash USLUBIYOTI	RD-GK 40-02
		11 varaq 12 dan 24.05.2024y.

“O‘ZBEKINVEST EISK” AJ
 faoliyatida korrupsiyaviy
 xavf-xatarlarni aniqlash va
 baholash
 USLUBIYOTiga 4-ILOVA

**Jamiyatning korrupsiyaga qarshi kurashish
 DASTURI**

T/r	Korrupsiyaviy xavf- xatarlarni bartaraf etish chora- tadbirlari	Amalga oshirish mexanizmi	Ijro muddati	Ijro uchun mas'ullar

 UZBEKINVEST GK 40	“O‘ZBEKINVEST EISK” AJ faoliyatida korruptsiyaviy xavf-xatarlarni aniqlash va baholash USLUBIYOTI	RD-GK 40-02
		12 varaq 12 dan 24.05.2024y.

Hujjat tekshirilganligi to‘g‘risidagi ma’lumotlar

№	Kiritilgan sana	Uzaytirish/ Qayta ko‘rib chiqish/Bekor qilish	Yozuv egasining lavozimi	Imzo	F.I.SH

Kiritildi:

Korruptsiyaga qarshi ichki nazorat
va xavfsizlikni ta’minlash departamenti
bosh menejeri

 A. Abdullayev

Kelishildi:

Bosh direktorning birinchi o‘rinbosari

 R. Xalikov

Xodimlar bilan ishlash departamenti
bosh menejeri

 Sh. Aripxodjaeva

Yuridik departament
Bosh yuristkonsulti

 T. Imomaliyev

Strategik rivojlantirish
va sifatni boshqarish departamenti
bosh menejeri

 A. Abdullaev

Bosh direktorning ma’naviy-ma’rifiy
ishlar samaradorligini oshirish,
davlat tili to‘g‘risidagi qonun hujjatlariga
rioya etilishini ta’minlash
masalalari bo‘yicha maslahatchisi

D. Gulyamova